

遷善改過風雷集



170.1
6550

風雷集序

天下無理不可以得過也天下無事不可以遷善改過也然而

木韻北瞻云風則為曉字倫
又音前門水韻與東西因

風雷集

而見善必遷久則悔其不善之夢而有過必改也

卷一
風
雷
集
序

1938.2
7120

4187

風雷集

又存前門外琉璃廠東門內
木路北龍元齋陳姓刻字鋪

風雷集序

天下無地不可以得過也天下無事不可以從善也
天下卽無人不可以遷善改過也然而世之眞能遷
善者幾何人世之眞能改過者幾何人則甚矣非遷
改之難遷改而如烈風迅雷之爲難也風雷集一書
所集皆遷改之法也所集皆遷改之事也所集皆眞
能遷改之人也惟願閱是集者上則立于無過之地
而見善必遷次則悔其不善之事而有過必改勉勉



風雷集
焉汲汲焉如烈風之不使稍畱其邪穢如迅雷之不
能稍待乎須臾初念如是轉念如是念念亦如是則
萬禍雪消千祥雲集皆可于風行雷厲時期之矣豈
不懿哉道光庚子元旦味腴居士序

風雷集敘

古人云萬惡淫爲首誠以淫念一萌便思邪緣相湊
生幻妄心設計引誘生機械心少有阻滯生嗔恨心
慾情顛倒生貪戀心羨人之有生妬毒心奪人之有
生殺害心種種惡業從此而起種種善念從此而消
也夫騷人詞客風流相賞其錮惑陷溺者比比矣下
而蚩蚩之氓無知無識似乎情竇未開者而談麗色
唱淫詞不禁怦怦欲動豈眞人性之惡哉良以父兄

之教不先則子弟之率不謹耳余不自量亟欲挽回竊思正本防微唯有讀善書一法而善書汗牛充棟殊少完本心常歉焉偶於友人處檢得風雷集一書其言理也切其指事也詳其論列果報也嚴其啟悟後人也恕果能置於案頭朝夕披閱父兄以此教子弟師傅以此訓蒙童將見愚魯者畏罪而知愛身聰明者循理而知修德欲求臨時不染端在平日能持思此身如玉之無瑕一失手卽成瓦裂思此事如酖

之有毒一入口卽登鬼關一念差池沈淪沒世一時堅忍福壽終身可不危哉可不懼哉吾願見是集者生大恐怖發大羞慙起大勇猛從前種種譬如昨日死從後種種譬如今日生如風之行如雷之厲改過遷善其象爲益則是書有關於人心風俗豈淺鮮哉惜都門中無此板因約同志廣爲刊送更增入九條以補原編所未及者焉

光緒八年九月

晉平洗心道人全謹識
東萊進脩居士

文昌帝君護身箴

關聖帝君顯應遏慾文

美色作虎狼說

戒挾妓說

早嫁婢女說

勤職業說

觀善書說

悔罪說

精盡則死說

轉移說

謹視說

謹交游說

念報應說

戒談閨閻說

勸焚淫書淫書說 · 有子勿置妾說

家長不用少年僕婦說 治心說

戒淫說 奸近殺說

戒狎頑童說 戒邪思說

保身說 早嫁娶說

遠嫌疑說 生子說

悔過遷善案 四覺觀

文昌帝君護身箴

色之一字。生死關頭。舍生就死。哀彼下流。戒之戒之。
勿看淫書。付之秉界。萌絕根除。勿接淫友。尋花問柳。
稍不自防。終難自守。勿作淫談。談入閨闥。談談何妨。
口孽已重。岐黃家言。寡慾多子。蠡斯無九節。慾而已。
出入家庭。男女宜別。授受不親。防閑道密。兒女情深。
英雄氣喪。漢有孔明。師之爲上。不師孔明。自防宜密。
防之何如。在勤職業。昵比閨房。斯爲酖毒。求名無成。

創業不足。世人不戒亡身者多。身且不保。遑問其他。關聖帝君顯應遏慾文。

我本大漢良臣。立志輔國佑民。在昔忠貞報主。於今正直成神。堪嘆人生在世。竟難如我存心。不敬君親。師長。徒知作惡紛紛。我因遊觀。不忍續成。覺世真經。惟于戒淫未透。更著遏慾之文。一願公孤卿尹。誠心爲國爲民。慎母重色。輕道致令民不興仁。二願鄉紳衿士。切宜愛惜聲名。慎母恣意淫佚。遺殃子子孫孫。

三願農工商賈。朝夕勉勤。勤慎母性。耽花柳。轉教家道難興。童子性真。未固師長教誨。宜頻切戒淫書。入眼。令渠氣散神昏。宜講因果報應。使其目觸心驚。婦女未知大義。亦有性若浮萍。我輩正宜開導。何堪釀就邪淫。更歎愚夫俗子。安知冥律森森。若不多方警覺。忍渠孽海深沉。淫惡原同火坑墜時。卽致焚身。不但已罹慾海。方爲罪業。非輕。即使淫心一動。終難上逭天刑。况是口談目逆。幾忘神鬼森臨。更造淫詞。

艷曲虛言誤盡愚人。我欲普天同志。常將一語奉行。
試問易吾妻女。吾儕果可甘心。害人終須害己。循環
天理分明。若果遇邪。堅忍卽與他善。區分大則狀元
宰相。小則積玉堆金。土則祖宗受福。下則兒女蒙恩。
近則名垂宇宙。遠則譽炳日星。顯則吉趨凶避。微則
鬼怕神欽。報應毫髮不爽。世人胡不遵循。何可漫無
忌憚。自開地獄之門。生則官司口舌。水火瘟疫刀兵。
刻刻凶神暗弄。種種惡報交侵。死則森羅殿上。牛頭

馬面無情。油釜刀山劍獄。般般受盡。苦辛此日黃泉
路裏。多情粉黛何存。方識從前恩愛。都成業障冤魂。
倘使曩時稍忍。不致遺恨於今。我是晨鐘屢擊。憑人
痴夢驚醒。若是平時未犯。更須防意如城。卽或已罹
大罪。務須速卻迷津。回首皈依吾教。久之殃去福臻。
并論此經在處。邪魔不敢縱橫。每旦焚香敬誦。五神
環護家庭。自可逢凶化吉。全家永避災禍。出外若攜
一冊。逢人開導。慇懃山裏虎狼。遠遯舟中波浪。難傾

久久操持不倦許爾仙佛堪登錫爾子孫福壽俾爾
封誥身膺或有抄傳印送吾神賞善仍均甄別厥功
輕重暗中錫福添齡美語良言不盡大眾自重前程
普願力行身體莫教辜負金箴此文與下一篇血氣未定已明文理之子弟爲父師者令其每日早晨敬誦一遍獲益不淺

美色作虎狼看說

萬惡首淫而犯者最易最多其敗德取禍亦最深最
烈揆厥由來大抵皆因私心而起凡人一見美色目

眩神搖邪心頓熾凡諸惡念交集於中未必實有其

事而牽纏芥蒂不容自己今欲斷除此病要當於起

將萌此第一要訣

萬古不易之論

念時截斷病根見他色美卽心上作虎狼看乃可蓋

邪淫之事半由於男子半由於婦人彼但知相從而

的頂的的確此語醒人無眼

男子殺身時不顧也破家時不顧也損壽折福時不

顧也貌則妍而心則惡與虎狼何異倘能一眼看破

四語當書諸紳

有目挑心招者卽默念曰彼非愛我也是食我也且
非艷姿也是毛角也則其念亦可息矣况婦女外現

嚴飾中惟穢惡如畫彩瓶中多盛污穢其身中所有肺肝脾胃涕唾汗垢大小便利及毛髮爪齒一二皆是不淨之物或值經水淋漓胎前產後疾病危篤想其種種情狀何等穢污及至死後正壞爛時惡血敗膿臭穢不堪雖屬至親掩鼻不敢正視即使歡樂時亦如大池中多是死屍死貓死狗夜行不見眾物取而飲之及天明見此等物厭惡無量人能常如是想即是大聰明大福澤人則雖不即視為虎狼有不以為革囊盛糞唾而疾走

者乎夫人之胡思亂想要皆昏然惘然未嘗思及設身處地之際耳試思同是閨閫我之妻女被人談及之挑及之窺伺及之污辱及之又當何如且暗室虧心神目如電試思苟合之時有司過之神在我旁也三台北斗在我頭上也三口在身竈神在戶日月三光在天記錄者有之嗔視者有之含怒者有之竊聽者有之指摘者有之飛奏上天削祿減壽降災加禍者有之如是而思不禁汗流脊背毛骨竦然邪緣一

精盡則死證

人於錢財計較鎔銖量入爲出百計營求猶恐不繼

血氣未定之人此篇當日讀一遍更能刻骨銘心則色戒斷乎不破矣。

若有用之無度者。人必嗤其孟浪。指爲敗子。夫財乃
外至之物。用盡還來。卽貧無立錫。飢死者少。而人猶
珍之重之。若此。若精液之可貴。非特錢財也。淫慾之

珍之重之。若此若精液之可貴。非特錢財也。淫慾之
善於○譬○於○精○理○名○言○
 所傷。非特鎗銖也。財盡則窮。精盡則死。而乃恣意縱

欲毫不知惜。一旦精竭髓枯。水乾火熾。醫藥罔效。無

言者傷心○讀者酸鼻○

言者傷心。陳善。隱鼻。○
常一到主人將去嬌妻美妾握手叮嚀。幼女孤兒牽衣訣別。所謂入地獄如射箭。悔之亦已晚矣。昔有人規王黼曰。君不見夫飛蛾乎。飛翔燭上。驅之不去。終

於焦爛而死。色慾之害。不啻膏火也。又云。昨日流鶯然之勢今日蟬起來。又是夕陽天。六龍飛轡。長相窘。何忍乘長心鄭重危。更著鞭。蘇子瞻云。傷生之事。非一而好色者必死。人之一身。神以御氣。氣以化精。精神充實。百骸強壯。可以有爲。若淫慾無節。則精竭氣耗。神不守舍矣。疾病夭亡。職此之由。可不慎歟。

戒挾妓說

顏光衷曰。少年慾實。何所不至。譬如口腹嗜味。愈縱

愈狂。力自簡制。則益淡。將去矣。人謂挾妓無害。此言大誤。要知娼妓賤質。勾引之意。無非欲得錢財。陷人鈎餌。一中其計。極聰明人。亦被迷惑。遂至亂其心志。廢其正業。破家蕩產。流入匪類。設遇尸癆之婦。瘡毒之妓。小則痼疾。大則喪命。余所見聞。有聾其耳者。有半身不仁者。有四肢難軟。膝直不可屈伸者。有病久骨軟如綿者。有病蠟燭瀉瀉去其腸者。有痿其陽終身不舉者。有種毒於妻。致妻終身不育者。有毒發在

喉聲啞無音者有當頰下垂若瘤者有發魚口下體
迸裂者有毒發在趾漸漸脫落至腰而五臟皆見者
有惹毒於妻生瘡腋下而死者有惹毒於妻所生子
女徧體無皮者種種不可勝計卽良醫療治獲全性
命而毒氣內傷多致不能生育縱有生育而先天毒
盛往往發爲異瘡惡痘以致夭札因此覆宗絕祀豈
惟不齒於正人見憎於妻子而已哉有識者其鑒之

轉移說

人心之靈如舟之有舵一振卽轉嗜慾最易溺人
苟不知提撕警覺以自別於禽獸是猶駕膠舟而揚
帆以放乎中流也豈不殆哉故人當猝遇邪緣強來
就我要知此是人獸關所差只在毫釐守則人失則
獸明明是我積德積功之大捷徑不可錯過當看作
虎狼視同糞穢竭力堅忍以擯絕之稍或游移卽墮
落禽獸一途矣夫忍片時之嗜慾邀天地百神之歡
喜自完其節以完人之節自全其恥以全人之恥故

天之嘉子者爲獨至。歷觀古今之賢達。能守此關者。莫不享富貴。福子孫。登大魁。致顯位。較之半世黃卷。青燈。與他途積德累功者。遂事半功倍。學者誠能提撕警覺。以出迷律。則譬如津人之操舟。可以自渡。而并克渡人矣。

早嫁婢女說

凡人生有女子。誰不願其長成。嫁配得所。祇爲衣食窘迫。萬不得已。將女賣與人家。其年大都童稚。思念

父母。日夜啼號。及至主家。暗中飲泣。身充役使。飢寒誰問。晨當灑掃。則辨色而興。夜尙趨承。每背燈而立。笑啼不敢進退。兩難無限苦情。何從分訴。爲主人者。能知其淒楚哀其淪落。及笄配偶。莫大陰功。如謂使令習熟。嫁後則諸事不便。豈親女孝順有年。長成不願遣嫁乎。况婢女之愚慧妍媸。不一。愚者作事不如人意。轉添氣惱。鞭撻常加。痛苦可慘。與其敲扑而損陰功。不若早嫁。而省閒氣。至于慧而妍者。年至十五。

若不早爲配嫁常畱閨闈令人易啓淫心倘主人視爲閒花隨意攀折遂致主母見妬毒加鞭扑羣相譏誚無顏對人有孕則毒藥下胎母子同斃既產則溺殺子女人命如戲福祿削盡冤報相尋更或父子聚麀兄弟薦寢骨肉成仇身家消敗抑或婢女別有所私主人罔覺留其所生子女則他人血脈竄亂祖先如懷孕而配下賤親生子女降爲奴婢既姦而配良人終身爲夫輕賤勢必仇離失所如永遠不嫁與彼

何仇常遭幽閉尤傷陰德如納以爲妾搬弄是非家中不得安靜主人一死婢女改嫁所生子女中道分離種種不祥皆由及笄不嫁所致倘主人制行不苟尙可免此然男女大欲婢女何獨無之苟既長不嫁必與他人姦好妻女逼近相處甚非所以肅清閨闈也少年醕謹者少易損陰功暗消終身祿壽甚非所以培植子弟也吾目中所聞見婢女之愚醜者及笄不嫁猶且難免此等禍患其慧而妍者以上禍患必

有一犯嗚呼買婢之始。不過爲使令計耳。豈知及笄不嫁之禍。竟有罄筆難書。如是之酷烈哉。吾是以不憚苦口力勸人。可以不必用婢。則無須買婢。既買之後。必須慎擇。夫婿。早早嫁配。庶不致流毒於無窮也。敬勸。

謹視說

老子云。不見可欲。使心不亂。人之慾念。半起於視心。爲目所役。神徜徉而靡定。身不期而自動。足不期而

自趨。招禍損德。折福減壽。皆從此起。故欲戒邪淫。先在能謹其視。凡遇婦女。切戒流盼。凡紛華靡麗之場。切戒勿到。嫌疑之地。切戒勿近。親族寢室。切戒輕入。一切淫書小說。淫艷詞曲。切勿展閱。瞻視必嚴。容止必謹。皆是防微杜漸之法。此夫子言四勿。以勿視爲先。君子有九思。以思明爲首也。

勤職業說

人情逸則思淫。勞則思善。本屬老生常談。但少年子

弟耽酒色好淫樂而無度者。非必其本不肖也。多由無業以消日。懶惰放肆。宴安鴆毒。遂走入荒淫一路。故欲戒淫邪。必先勤職業。一心專理正務。習久遂樂此不疲。邪念自然不生。而本事亦出人頭地。不特可以遠邪僻。并可以致富貴。此真一舉兩得極妙之法。斷不可以爲老生常談而忽之也。

謹交游說

友以合義者也。若與蕩佚之友相交。則出入於戲場。

茶館。往來於柳巷花街。矢口絕無禮義之言。浪游。是輕挑之舉。不知不覺走入邪僻一路去矣。故人欲戒邪行。必須嚴擇交游。端方之士。親近之。自然德業日近。蕩佚之友。疎遠之。自然匪僻潛消。自愛者尤不可不知也。

觀善書說

人心皆善根也。但終日間見見聞聞。安得皆善事。一有繫念無見而有見。無聞而有聞。是牽牛以蹊其心。

矣。故人於勤理職業之後。或得餘暇。與其間蕩。莫若
靜看善書。使耳目身心有所管攝。且知其如何爲白
業。如何爲黑業。始而懼生。繼而覺生。譬如慧雨沾洒。
頓令心地清涼。況人當淫心煽惑。雖嚴父不能防閑。
賢妻不能勸止。而惟善書足以點醒之。果能常看善
書。受益不可限量。至於淫艷詩詞。邪僻小說。焚之淨
盡。勿使入目。尤爲要緊。

念報應說

天。律。於。淫。最。嚴。人。禍。於。淫。最。慘。小。則。戕。生。大。則。絕。嗣。
近。則。削。其。福。壽。遠。則。災。其。子。孫。陽。則。受。國。憲。之。誅。陰
則。干。神。明。之。譴。鑑。無。或。爽。數。有。難。逃。况。乎。天。道。好。還。
淫。人。妻。女。妻。女。必。被。人。淫。壞。人。名。節。名。節。必。被。人。壞。
理。所。必。至。豈。妄。言。耶。故。慾。念。萌。動。之。初。必。如。毒。矢。著
身。惡。蛇。螫。手。急。須。刮。骨。斷。腕。始。免。裂。肝。腐。腸。而。士。人
尤。宜。凜。凜。蓋。天。地。間。凡。類。於。不。德。者。皆。足。以。失。科。名。
而。莫。捷。於。淫。凡。類。於。德。者。皆。足。以。得。科。名。而。莫。捷。於。

不淫。人若猝遇邪緣。分明是我造福積德之大機會。功名富貴一與一奪。卽在此頃刻間。淫不淫之所繫。誠大矣哉。夫古今來人才。濩落如秋蝶。倦飛寒螢。失照。或飲恨窮年。老死牖下。或發狂致疾。猝殞其身。平日臨風痛哭。仰天椎心。嘆文字之無憑。羨他人之通顯。怨尤交集。以爲實命不猶。設得通幽洞冥之慧眼。一燭其故。則其心多有不堪告語之隱。方逃罪之不暇。而敢以未成名爲恨乎。故不淫者求科名之捷徑。

也。吾願有志之人。思觀榜日。於花晨月夕之中。念進場時。於楚岫巫雲之地。念及章臺若蹈虎尾。渡過洛浦。若涉春冰。澡身浴德。種一生富貴之苗。由義居仁。積數世子孫之福。諸先達懿行。具載簡編。芸窗披覽。取而法之。不勝翹祝。也。悔罪說。天之於人。猶父之於子。方其過也。疾之甚嚴。及其改也。又喜其自新人。果痛改前非。力行善事。天未有不

原而宥之者。謝上蔡曰。天道禍淫。不加悔罪之人。蓋天地不絕人以自新之路。神明亦開人以遷善之門。譬如已墜深淵。力自振拔。復得登岸。已陷重圍。奮勇戮力。終得迴軍。雖力竭神疲。亦不至喪身失命。故易曰。見善則遷。有過則改。此風雷之所以益也。天下至迅疾者。莫如風雷。故聖人以此爲遷善改過之象。人須豎起精神。從今爲始。迷魂陣一拳打破。陷人坑一脚踢翻。暗室屋漏。痛自刻責。易曰。震無咎者。存乎悔。

悔卽夫子所謂內自訟也。但又不得恚恨成疾。馴致抑鬱而死。須畱此身爲遷善改過之地。今浮薄少年。若已犯淫邪。亟宜痛自猛省。勿謂我已失德。終於自暴自棄。亦勿謂更無挽回。遂致飲恨終身也。然亦不得恃有悔罪之門。而故犯淫邪之行。無論有心故犯。必不能悔罪。遷善卽果能自克。雷厲風行。鏤心刻骨。然光陰迅速。日月如流。一念墮落。復一念振刷。受盡磨折。歷盡艱辛。邀得上帝回心而已。墓木成拱。更或

墮○落○易○而

振○刷○難○急○宜○猛

言○之○淚○下○

英華銷阻。志氣積靡。雖有悔罪之心。而無遷善之力。將終於墮落。不克振拔。故我第願人勿犯於前。更勝人追悔於後。尤願人於生時防死。勿到死日求生。苟未曾失足。急宜守之以誠。或猝遇妖孽。更須敵之以忍。切勿致犯而始悔。受盡磨折。斯爲上善。若夫悔而勿改。改而弗力。或悔而卽改。改而復犯。則皆爲眞惡。怙過不悛。天人共棄。斯固無可復禳者矣。

戒談閨閻說

禍從口出。中葺之言。不可道也。且今日人情。不古見善而疑。聞惡而信。一聞閨中醜事。往往不問親疎。不審虛實。轉相告語。以爲新聞。至使人夫棄其妻。父斥其女。甚或此婦無顏。對人投繯。自盡。嘻。談之者津津。而彼生則含羞死。猶遺恨。冤鬼有知。不來索命乎。卽使事果眞確。在此女不足惜。而其夫其父母其翁姑。以及其兄弟姊妹。祖宗子孫。孰無體面。與我何讎。而必出其醜乎。語云。有一言而上千天地之和。有一言

而折盡一生之福者。切須檢點。是以好談淫亂者。非有奇禍。卽有奇窮。况談淫污之事。最動人淫心。敗倫亂俗。皆自我一言。開之罪。與淫惡之徒。同在地獄中。受苦五百劫。天律難逃。必得如此重報。可不懼哉。

勸焚淫書淫畫說

淫書淫畫。向干例禁。近來江南浙江二省。俱設局銷燬。其所以視之如讎。焚之期盡者。亦以淫書淫畫。流布天下。則害天下之人。畱藏家中。則害家中之人。每

見人家子弟。年方髫髻。稚情竇初開。一見此種書畫。遂致妄生相火。尋求喪命之路。或有婢僕之事。而斷喪真元。或無男女之慾。而暗洩至寶。漸漸肢體瘦弱。飲食減少。內熱咳嗽。咯血夢遺。虛勞等症。叠見父母驚憂。而無措醫藥。救治而難痊。一以爲先天不足。一以爲風寒所感。一以爲補養失宜。不知罪首禍魁。皆由于偷看淫書淫畫。所致其事。隱微而戕賊其性命者。深也。幸知自愛其身。翻然悔悟。萬端調治。而後得痊。

然早年受傷終身致病下元虛冷子嗣艱難腰疼腿痛中年陽痿目暈頭眩未老先衰一切勞心用力之事皆不能任雖留此軀亦屬無用何以承先啟後建功立業而享富貴康強諸福乎更有名閨淑媛識字知書或綠窗晝靜或青燈夜闌展卷視之魂搖魄蕩頓忘節操難禁慾火之焚遽成竊奔之行又或性本貞潔既看之後獨宿冥思積成勞瘁對鏡生愁一病不起可深浩嘆故吾深願普天下自好君子家中如

有淫書淫畫急須思患豫防焚燬淨盡於以保護子孫肅清閨閣已受無窮之益如能捐貲收燬普救世人獲福更大若夫彈詞唱本往往描寫愛召慕才之事輒將才子佳人四字抹殺斯民廉恥之心有家教者亦宜禁止家人不看爲是至於戲文本子半多男女私媒之情而世人每喜點演淫戲聚父子兄弟親族友朋并幃婦女而觀之見其淫譎穢褻備極醜態恬不爲恥曾不思男女之欲如水灌浸卽日事防閑

猶恐有非禮之事。況乎宜淫以導之。試思此時內外
觀者。其心皆作何狀。若少年流蕩者。纏綿固結于胸
中。一遇邪緣。便入禽獸之門矣。而廟社敬神之時。
尤宜勿點淫戲。蓋廟中男女畢集。無識庸愚。充易蠱
惑。淫念既萌。淫惡未必不由此起。是眾人罪孽皆點
淫戲者。一人之罪孽也。夫敬神本欲求福。而淫戲
適以買禍。人可不知自警哉。卽此是福。卽此是德。更
願與諸同志共戒焉。

有子勿置妾說

娶妻爲嗣續計也。因妻無子而娶妾。亦爲嗣續計也。
至娶妾而妻惟望夫得子。無妒忌心者。此至幸之事。
不可必得。若室有妒婦。便生出無限煩惱。幸而娶妾
生子。恃寵者。漸萌爭勝之心。懷妒者。益蓄不平之憾。
終日勃谿。室人交謫。已非門庭聚順氣象矣。然猶曰。
爲嗣續計。娶妾得子。亦不幸中之大幸也。至於妻已
生子。猶必娶妾。甚至一而再。再而三四。卽使正室不

妬獨不思妾亦人女耳或父母爲貧而割愛或奸人爲利而盜賣一入吾門尊卑分定何日舒眉况妖冶盈前衾裯迭侍豈能徧及徒作罪孽耳其寵極而驕者則怨望詛詛之言顯聒於耳精液內竭忿怒外激本以作樂反因受苦其究也必至成病其無寵而畏我者則幽恨憂忿之氣日積於中欲旁私則內外阻絕而不能欲守貞則一暴十寒而不顧幽囚愁苦不得發抒其究也亦必成病試設身處地細察其心當

有清夜不安者矣倘正室隱懷妒忌則存心至遠而設謀更酷妾寵則慮戀妾而棄嫡也妾多則慮愛分而情薄也生子則慮產析而財瘠也庶多則慮己子勢孤而權不專也必思有以去之去之不能則毒加磨折猛施鞭撻或陰縱私情或誣成外好致之必死必賣而始快如斯罪孽更增十倍更有子年已長正室已歿已年已老而猶必娶妾固免妬婦之患矣然男女之慾彼此同情我旣如此彼亦應爾若以少艾

而嫁老邁必不能愜其意。設有不肖子姪。無禮僮僕。朝夕熟視。未必不生邪念。彼固小家女子。本無識見。豈能力拒少年。而苦守衰老之翁哉。且老年斷喪生機。愈蹙自速。其死百年之後。其情事將有不可問者。亦有老年無子。多娶姬妾。以圖嗣續。原非得已之事。顧積德者必昌。後寡慾者必多男。此理決然不爽。誠能有鑒於前之所言。而思患以豫。防更積善以求嗣。則中年無子者。妻必得子。正不可輕言娶妾。卽老年

無子者。一妾亦必得子。更不可妄娶多妾也。夫爲嗣續計者。尙不可輕娶多妾。彼有子而輕於娶妾。且娶多妾者。此正所謂自尋煩惱。自討苦喫也。何不閱此說而細細思之。

家長不用少年僕婦說

富貴之家。多用僕婦。以供使令。卽小康之家。亦常有之。原無大弊。至用少年有姿色之僕婦。則弊有不可勝言者。蓋此輩出入房幃。聲音笑貌。朝夕見聞。少年

子弟血氣未定。稍不自持。易爲所惑。但彼雖服役。不過迫於饑寒。以致遠別翁姑。生離夫婿。輕拋兒女。思覓蠅頭微利。而其實則良家婦女也。乃不加憐憫。溺情縱慾。必損陰德。遂致少年可造之資。功名因此而滯。鈍才華。因此而沮喪。福澤因此而削奪。而且柔嫩之軀。琢喪真元。疾病蜂起。醫治最難。甚至有兄弟不知。而互薦寢席者。主僕皆姦。而顯相誦誥者。倫常既墮。家教何存。貴賤不分。正人深鄙。倘奸而成孕。孫曾

卽流爲下賤。孕而墮胎。性命竟視同草芥。爲家長者。清夜自思。不亦可恨。可恥。可畏之甚哉。然其弊猶未彰明大著者也。如遇貪詐潑婦。成奸之後。暗索銀錢。子弟欲博其歡心。竟有私將祖父血汗辛苦所得之錢財。以填難盈之谿壑者。稍不遂欲。挾持撒潑。其翁姑夫婿。伯叔兄弟。羣起而攻。不至大遂所欲而不止。當此情形。不得不驚動官府。以求安靜。彼雖財勢不敵。而子弟之聲名已玷矣。父兄之家法已壞矣。且尤

有出人意外之禍。其事實的真確鑿者。言之更爲寒心。道光十六年。浙省杭城小營巷內。有一張姓子弟。其父亦入仕途。此子與沈氏僕婦私通。父歿之後。欲娶爲妻。兩兄不允。竟將兩兄毒死。後其叔爲兩兄伸冤。此子凌遲處死。百日之內。絕嗣破家。倘其父不用少年有妾色之僕婦。何至於此。或曰。此輩之中。豈真有妾色者。不過好加妝飾而已。用亦何妨。子曰。不見可欲。使心不亂。旣用之後。何能保子弟之絕不流盼。

何能保子弟之絕無淫念。一萌淫念。卽伏禍根。況好加妝飾。尤屬冶容誨淫。如用之烏乎可。或又曰。名門舊族。餘慶綿長。義方諄切。子弟必多遠大之器。何至不自珍重如此。然人無遠慮。必有近憂。有遠識者。寧可思患而豫防。不可自恃而忘禍。况用女使者。仍用男僕。此等愚昧其性。桃健其情。不知陰陽。不論醜陋。彼少年僕婦。離家日久。內有怨女。外有曠夫。聚處一家。必生情弊。遂至竈前狎昵。褻瀆神明。暗室盤桓。俾

畫作夜禍。伏門牆穢觸。奧竈不潔。孰甚。不祥孰甚。爲家主者。不知其弊。已難免失察之罪。明知其弊。則導人淫慾。縱人失節。其罪尤重。外雖無顯禍之來。而暗中。之因罪耗折者。不少。何能興隆家業耶。又何得以子弟之佳。遂恃爲無恐耶。又何苦縱他人之慾。而增自己之罪耶。夫少年醜陋之僕婦。猶難免男僕之弊。彼畧有姿色者。且好加妝飾者。更無論矣。如不得已。或用年雖少。而貌極醜陋人。極莊重者。庶幾預杜其

害耳。或又曰。使人人皆佞君言。不將絕此輩之衣食乎。子曰。覓食豈止一途。天既生之。斷不絕其生路。蠶織紡績。女工針指。浣濯衣服。揭磨錫箔。皆可養生。苟清貧自守。勤勞儉樸。必不受饑寒之苦。如謂舍此卽難覓食。豈他鄉外省。不用僕婦之處。彼少年貧苦婦女。盡餓死於家中乎。或又曰。然則所用僕婦。必取年老齒衰者。而後可。或極莊重醜陋。而後可。其如筋力已憊。何其如面目可憎。何其如缺多人少。何。子曰。四

十以外五十以內之僕婦儘有足供使令者至嫌面目可憎非特不因服勞起見是真不畏子孫身家之大禍矣至慮缺多人少君亦未之思耳彼醜陋老成之婦用之者少則來者亦少用之者多則來者亦多何足慮或又曰然則乳母亦將擇年老者乎子曰如不得已子前言已爲立法未嘗不可然鄙俗之見有謂乳母貌美則所哺之兒始美此說出於何經何典不足深信卽足深信而先天之命運早已註定其不

能以後天之美與不美改換也明矣吾知有識見之家長斷不惑於無稽之論而甘貽無盡之憂也子見此說惟願閱是書者詳察子言勉從子言深明隱弊其挽頽風將見蘭毓芝生俱作亢宗之令子若發穎豎預培華國之奇才卽下至僕從之肆慾無忌罪歸家長者亦不絕而自絕矣豈非蒙養聖功隱全名節之一助也哉

無我分而已

戒淫說

戒淫之法有慧力有定力有忍力何謂慧力美色當前乍見心動試思今日之明眸皓齒二十年後鷄皮鶴髮甚不堪相對也再想百年之後皮囊臭腐不堪嚮邇也再思今日之淫行卽明日之死徵人至於死萬事心灰矣至於青樓紅粉其靚妝濃抹當場獻技之時或能令人瞥見神驚試思其未經梳洗未施粉

黛不見不聞之地其本來面目大有不堪回想者此

惟慧者能意想及之也何謂定力平日操持嚴切念

起卽除我心既定自然遇物不移程子所謂今日坐

中有妓明日心中無妓是也何謂忍力語錄有云譬

如慾心旣萌猛不可遏試揭其帷則吾母在焉吾女

在焉或爲妖物所變而原形現焉如是則可以忍乎

譬如淫人妻女試想人之淫我妻女我將何以自解

如是則可以忍乎再如不能自制則思鬼神在上祖

宗在旁努目切齒者有之執簿記錄者有之如是則
可以忍乎飢不食虎餐渴不飲鴆酒忍之說也蝮蛇
螫手壯士斷腕毒矢着身英雄刮骨很忍而已矣要
其得力則又在平日父兄師友訓迪漸染之功務使
胸中於禮法因果確信不疑觸境猛省自能瞥地迴
光

奸近殺說

奸近殺洵矣然曰近殺尙是緩詞。歷稽往事。奸則未

有不殺者。其夫知覺則殺。或父母舅姑知覺則殺。或
有同奸嫉妬則殺。因奸致殺。則王法殺之。幸而漏網
則冤鬼殺之。色勞沈痼。虛症百般。盧扁難醫。則司命
又殺之。且報應極巧極奇。或以他事。或卽以本事。或
在自身。或在妻媳。或削其祿籍。或絕其後嗣。則天地
百神皆殺之。況少年婦女。雖或多情。而其護羞之良
心。與輕生之癡心。嘗百倍於男子。或被謗而懷慙。或
蒙冤而莫辨。短見一萌。非死不足以塞責。故淫者天

下第一殺機也。且殺人者殺其一身。淫人者殺其三世。穢德必彰。惡聲易播。上而殺其父母。中而殺其丈夫。下而殺其子女。恥懸眉額之間。痛纏心骨之內。何異挾白刃而剗人三世之腹哉。

戒狎頑童說

男淫惡業。不知創自何人。既非陰陽配合之宜。又無蓮步雲鬟之媚。偏愛寵童者。必夫婦失好。則乖人夫婦。內外不分者。必男女相竊。則奸人妻女。穢氣入腎。

必成瞽疾。則耗人精血。好頑童者。精冷無子。則絕人子嗣。若官役苟交。主僕求合。恃寵擅權。致禍尤烈。人亦何苦而好之哉。若夫青年俊士。一時失足。卽遺臭終身。不齒於士林。見譏於鄉黨。玷辱於父母。慚愧於子孫。人又何忍而造此孽哉。嗟乎。狗彘相交。尙循牝牡。人求苟合。不辨雌雄。怪乎不怪。先儒云。女淫以人學。豈男淫豈所不爲。此言可爲警醒。人戒邪想說。

吾人獨居一室。或遠遊旅館。切不可邪思妄想。彼妖
魔鬼怪。往往變爲美女。吸人精氣。害人性命。故屏絕
淫孽。先以正心爲主。而正心必自非禮勿視聽始。蓋
無所觸於耳目。自寂然不動於心。未見不可思。當見
不可亂。既見不可憶。此正心之實功也。

保身說
士子讀書作文辛苦。第一要節慾。蓋勞心而不節慾。
則火動。火動則腎水耗散。水不能制火。而火愈熾。則

肺金受傷。金又不能生水。火金相剋。變爲癆瘵。必至
夭亡。金丹秘要曰。腎堂者元關也。心腎合爲一脈。其
白如綫。其連如環。中廣一寸二分。包一身之精粹。是
謂九天眞一虛和之妙。人能淡然無慾。則精氣散入
三焦。榮華百脈。慾事一作則撮三焦精氣。從命門而
瀉。卽無慾事。而慾想一萌。命門火動。精氣流溢。不復
歸根。不泄猶泄也。故黃庭經云。急守精室。無妄泄。保
而守之。可長活。○貪淫者。好用強陽發燥之藥。以取

自促其死

快樂煎灼五臟如冰盃注湯羽苞蓄火鮮不傷神腐
形者○忿怒恐懼飽食大醉俱不可行房恐致成病
更要避忌日子遠行疲乏輒入房室必成五勞虛損
之症

早嫁娶說

山珍海錯乃異味也然當其未噉則視以爲異及其
既饜則亦以爲常若日陳於俎日果於腹更不以爲
異而反起厭心矣人之嗜味無不皆然而色慾一關

亦大率類是夫人於未娶之前慾心熾盛則想慕無
窮及其既娶慾火既洩則意念亦畢今人二十不娶
已等諸怨女曠夫或以邂逅而生眷戀或因想念而
起淫邪變故日生破敗不少小則斲喪元神少年致
病大則虧損陰德削祿減年然則遲之欲養其身不
知反戕其生也古禮男子三十而娶女子二十而嫁
何以女早於男良以女子立身節操爲重節操一失
人人賤棄故早其嫁期所以急遂其情慾而使之不

虧節操也。今人每爲擇壻所誤。竟有三十以上不嫁者。頻年寂守空閨。豈不暗中飲泣。夫女亦猶是人耳。乃竟強其鐵石爲心。不尼不俗。禁錮半生。有是理乎。況導淫之具。今日最多。如小唱淫詞之類。閨門每易醉心。女子耽玩。必生邪念。成淫露醜。悔何及哉。況有抑鬱成疾而夭亡者矣。

遠嫌疑說

禮別嫌疑。所以防淫也。古人同胞兄妹。至八歲則異

席而食。況其他耶。竊見世上淫風。皆因防閑不密。內外不分。男女混雜。不嫌不疑。以至敗壞門風。殊可恥也。蓋嫌疑二字。本所以自制。卽所以制人。蓋知有嫌疑。則規矩秩然。人自不得而犯。每見各處風俗。多可笑事。如童僕出入內房。婢女乳母。抱孩子出外遊耍。作工傭人。出入不禁。表兄弟與表姊妹。長成不避叔嫂姪嬸。時刻閒談。姐夫妹夫。常見大姨小姨。諸凡戚族鄰里。相與往來。動引入內。又有託爲通家好友。家

中女眷一切相見。而近時女子以徑見男客爲大方。并○以○相○聚○賭○錢○爲○正○務○。並肩雜坐。不知羞恥。老者如是○少○者○卽○從○而○效○之○。大抵男與女既經相見。始必彬彬○漸○而○熟○習○。既熟習必有長談。有長談必有笑語。有笑語必生機趣。有機趣必成勾引。而事遂不可知矣。自己痴愚。以爲斷無此事。而誰知竟有此事矣。以爲斷然不妨。而誰知竟有所妨矣。以爲至親至戚斷不忍焉。而誰知竟忍矣。以爲至卑至賤斷不敢焉。而誰

悚然

知○竟○敢○矣○。皆○不○嫌○不○疑○之○過○也○。人家規矩當極嚴。門戶當極慎。內外要分別。早晚要留神。忙時病時醉時。最易忽畧之時。愈不可忽畧。婚喪設祭時。家主出門時。或生日令節。月夕花晨。空房邃室。皆弊竇也。細察情形。邪人遠之。俊僕逐之。婢大者嫁之三姑六婆。則絕之。至婦女入廟燒香。舟車遊覽觀燈看會。踏月賞花。尤宜切戒。家有嫠婦。防範更當加嚴焉。至延師課蒙及管理記室。慎勿請浮蕩書生與年少親戚。亦別嫌疑之道也。

歸來衣履輕狂

眞陽愈枯。安能成胎。卽僥倖生子。亦不能育。或殤於

不足風者父母之眞氣不固也。夫婦之閒尤宜節度。

夫婦之間尤宜節度
如本命日父母忌日

語言斬截。掉臂徑去。怒容可掬。後村中火起。四鄰俱遭回祿。人原是燒死者九人。慘史某全家無恙。即保全別人夫婦。天做。燒死者九人。慘史某全家無恙。即保全別人夫婦。室平日無賴者。尚能轉禍為福。若素行無愆。得福應不止是。
 登州趙某順治甲午科發解。弁冕羣英。前程難限量矣。入京寓關帝廟。偶狎妓。彼固謂偶一為之。且烟花賤質。諒不妨事。其父家中夢神告曰。其子尚屬夢夢。爾子該聯捷。慢些得意。因淫除名。應得神明。恰不夢夢。父作書盤問。夢中。趙深悔改行。原來也有懊悔之日。還有些已未。夕之歡。停了七八想頭。已未。科。便宜否。懊悔否。始登第。還是改行的效驗。

呂子介。少有淫行。一夜夢游冥間。冥間之說。原非虛信者。見地獄中種種極刑。王法可逃。陰律難逃。皆生亦少。前犯淫者。此日黃泉路上。懔呂汗流浹背。此厚方能夢游冥間。不然。從此力杜淫邪。纔得力。廣行善事。以死入地獄而已。賈前愆。無以贖前愆。即杜淫邪。而不廣行善事。廣善事而不力。杜淫邪。亦無以贖前愆。作冥游記以警此八字。如人生八字。一字也不能少。世己之噩夢。喚醒天下之春夢。此記真善體天心。後享高壽多子。天道禍淫。不加悔罪之人。

王某曾某素相善。原是好朋友。王艷曾之婦。好个好朋友。適曾

繫獄。好朋友應營救。王賄吏斃之。不料好朋友竟做死冤家。方欲娶其

婦。貪色害命。意忽悔。良心不死。遂輟謀矣。然而曾某已斃乃

迎養曾之父母妻子。看他如加意侍奉。虧得曾父

母德王。不知就裏。且欲以媳嫁之。曾父母主意。王固

辭。極奉養益謹。曾母病王奉湯藥如子。真善於

泉有知亦曾母臨歿曰感君厚德來世何以相報。憐

至死不知就裏王叩頭流血具陳其實。至此方纔說明。乞冥

府見曾為解釋。原來是這緣故。母慨諾。非誠心補過。父亦

書札納母袖中。至誠感動方。曰死果見兒以此付之。

就是不見就是不付。王為曾父母營喪葬。亦不過如

此王竟善終。雖誤於始善救於終。

某孝廉有一鄰婦屢屢盼之。無忽。一日乘夫他出穴

牆相招。不是相招。生心動。險。問從何處可來。尋死婦

曰君既讀書豈猶不知踰東家牆乎。敗柳殘花猶自

恨生乘梯上路了。忽轉念曰人可瞞也。天不可

瞞。非不可瞞。不過削盡。遂下。逃出死。婦又於故處相。招。其中必有夙冤。不然。生復情動。極。乘梯而上。又走。了。已騎牆欲過矣。此牆是陰陽。又自念曰。此一念。小。天終不可瞞。杜絕了。多少禍害。急下。局門而出。纔。真。正。逃。次年會試北上。不必會試矣。典試者進場之。出死路。此時此地。神。秉燭獨坐。忽聞耳畔言曰。是誰說話。明。必。然。聚集。燭。獨坐。忽聞耳畔言曰。是誰說話。可。瞞。之。說。狀元乃騎牆人也。狀元亦應該中狀元。並非迂談。狀元詢問始悉前事。祇須瞞此婦姓氏耳。及榜發見狀元詢問始悉前事。

漢陽一諸生素有才名。登科原。屢試不第。緣故。一友。為請。乩叩之。旁觀者亦代為不平。乩答以某生應有。科名。第。更。不可解。因少時館於某家。亦寒士。與一婢。私通。箇緣故。欲望登第不能也。屢次失望。生悚然。警懼。與其警懼於後。不若戒慎於先。如能戒慎於先。能警懼。何至警懼於後。然不幸而不戒慎於先。猶幸而。於後。因輯戒淫功過格。對症。廣採註案。多。少。心。力。募貲刊施。募化費了。至康熙丙子科。科名遲了。仍中。式人皆以為。惟過之。報云。雖得科名。飽受勞苦。未犯。者。閱此。急宜自愛。雖受勞。

苦。仍得科名。已犯者閱此急宜自勉。

吳陳二生江南名士。既為名士宜愛惜他人名節。古作尤工。功名在

中。久而不售。是何陳并無子。更可解。一日扶乩。搔首問

己。呂祖降筆云。二生敬聽。二君好作綺語。原來有這箇緣故。

且鐫刻行世。受累者故受此譴。並非天宜補過。以希

延嗣。禍不加悔。二生相戒。如夢並焚其版。看他雷厲

善於見學徒錄詩。實留心。有語涉風情者。從前為

輒投之於火。燒得乾乾淨淨。糾會買淫書版。即燬之。斬草除

根。陰功

有子者子即發。

賈仁五十無子。載弄之璋。盼望夢神引至一處。題曰

生育祠。觸目感懷。仁因叩求子嗣。子原可求。你只主

者取簿視之。世人善惡一覽而知。謂曰。汝曾姦一良

人妻。何既想得子。為欲求子不可得也。體味神語。賈仁

况行歹事。自哀告曰。著急小民無知。此刻曉得。乞

容贖罪。子之法。神曰。汝既悔過。轉念之間。就有些想頭了。更勸十

人不淫方可贖罪再勸化多人則有子矣有不開口而積德者

莫大於不談閨闈有開口而積德者莫大於勸人不淫有求必得不獨子嗣不費錢功德中此二端更為

簡仁醒一身痛自改悔極是因廣勸世人感化甚眾天

行化宜爾子後舉二子不但有子且得二子較種子仙丹更靈十倍

趙巖士少時曾犯色戒跌下火坑漸至形神衰羸燒乾體

如骨立一把枯柴幾無復有生人之想身在火坑看了清涼世界

不啻洞將成灰燼適閱謝君雲漢所刊不可錄既知不可病將痊可不覺

汗流浹背冷汗一陣痛改前愆跳出火坑并請其板請板勝於

請捐貲印送國寶通流善書更流通原後精神漸旺

誰知一部不可錄泉混混令灰不復燃矣竟是全大補湯連得六子枯木逢春生機勃發

華亭張某少有淫行奈何竟不後生二子皆不育現

報復得瘡疾應得經年不愈雖不死偶見丹桂籍註

案中幸虧還肯淫報彰彰不勝悔恨幸虧還肯遂在

神前立誓永戒邪淫幸虧還肯復刊陰騭文廣施幸

還肯刊善書幸其疾尋愈自然好數年間連舉三子

白然生得快

風霜集

徐性善與楊宏窗友也。是一箇好友。赴試。可知爲同寓。原

同日詠遇高僧相曰。楊當大貴。慢些得意。徐當貧。就相是

寬裳。數世善行。半生厚祿。三年苦功。幾幾平賤於一夜。楊偶見寓中有女甚麗。

不過帶計以重賂求合。明珠彈雀。大貴人固如是耶。徐嚴詞力止。

之。既能持己以正。又能愛人以德。其骨格相次曰。僧

貌雖不及楊。而品行心地已過楊遠甚。

復遇徐大駭曰。高僧大駭。一夕之間。如何便有陰騭

紋起。那知一夕間。易賤爲貴。當大顯。以苦口之言。止

之品行。成人之科第。完人之富貴。因而全人之貞潔。

保人之聲名。未嘗一念爲己。而已之相貌由此易已。

之功名由此得。己之福澤由此隆。己之爵位由此顯。

卻又不勞一步。不用一錢。不思一計。不費一力。竟安

安穩穩。容易易。撇撇脫脫。做成了絕大功德。然則

勸人不淫。是千古之美談。是世間之快事。是求富求

貴。求壽。求子之妙訣。普勸天下復相。楊曰。氣色殊不

有心。人斷斷不可當面錯過。始同窗。繼同寓。終同顯。

友。而名次稍後矣。計尚未成名。次已降。榜發果然。應

福府生員林濤。赴鄉向莊佃索租。宿於其家。傍晚有

女至。日之夕矣。猝遇妖孽。約以明日父兄入城。此非天假之緣。幾乎天奪之魄。

當煮茗以待。無林如期而往。著魔。榻前敘語。此一座

鬼林忽念曰。想得我已有妻彼尚未嫁一時亂之最

傷陰德。瞥地迴光。良心頓現。明歲科場豈可望乎。這

自一念轉移。改得如冰雪漚體。即婉辭而出。辭得連

夜入城。走得自此足跡不至。斬盡葛藤。女無由寄訊。一病

幾死。癡林聞之亦不顧也。落落大。丙子遂捷鄉書。中

中得人皆以爲不淫之報。何消快。人皆以爲不淫之報。說得

浙江某困於小試。功名雖小。一日得敬信錄。閱至感

應篇。有曾行惡事後自改悔。久久必獲吉慶等語。數

本是天律。指因念生平淫殺口過。時或犯之。能反己

引迷途不少。得善書即於道光乙酉五月初三日。向竈神前誓改

前愆。力行聖訓。能改過遷善。尤丙戌即入泮。一年之

早已戊子場前。就于墳祈夢。見一藍袍者呼之曰。汝

命無功名。所以困於小試。况獲罪已多。將以貧夭罰汝。險。因

汝見敬信錄。改惡從善。上帝嘉之。暗室虧心。神目

神目亦如雷。如果力行不怠。不必預問前程也。禍福無不

者。將袍袖一拂驚醒。是科中式。不到三年。已登鄉榜。求科名者。急宜學步。

四覺觀

睡起生覺。默想清晨睡起。兩眼矇矓。此時滿口黏膩。舌黃堆積。大是污穢。當念絕世姣容。其脂粉未傅之先。亦當如是。

醉後生覺。默想飲食過度。五內翻騰。明晨忽然大嘔。盡吐腹中未消之物。餓犬嗅之。搖尾而退。當念傾城國色。其杯盤狼籍之時。喉內亦當如是。

病時生覺。默想臥病已久。面目黧黑。形容枯槁。又或瘡癰腐潰。膿血交流。臭不可近。當念倩盼之質。其病苦纏身之日。形狀亦當如是。

見廁生覺。默想通衢大廁。尿屎停積。白蛆青蠅。處處繚繞。當念嬌麗之姿。其飲食消融之後。腹中糞穢。亦當如是。

永當世具 其也清月星是南明時此時為口
烈烈烈當念誠顯之委其海金節顯之烈烈中楚
貝面坐費 無思酸帶大風氣氣氣白出青顯
除苦難良之日建烈永當世具 烈烈烈烈烈烈
烈烈烈烈烈烈烈烈烈烈烈烈烈烈烈烈烈烈烈
烈烈烈烈烈烈烈烈烈烈烈烈烈烈烈烈烈烈烈

道光丁未杭州捐貲刊刻芳名姓氏

董名慶楨字森如

酬采芹願助洋壹圓

周名燧字改新

酬采芹願助洋壹圓

汪名龍光字劍潭

酬采芹願助洋壹圓

沈名祖炎字子亭

酬采芹願助洋壹圓

瞿名綸字經閣

酬采芹願助洋壹圓

屠名品金字又樵

酬采芹願助洋壹圓

陳名培紳字

酬采芹願助洋壹圓

汪名惠慶字

酬采芹願助洋壹圓

吳名錫光字

酬采芹願助洋壹圓

俞名恭壽字

助錢壹阡文

俞名光組字

助錢伍百文

姚名康憲字

助錢壹阡文

敬修堂程

助錢伍百文

郁名念慈字

餘慶堂馬

余名穎生字

德潤堂徐

170.1
6550

東萊進脩居士敬送壹百本

竹香書屋敬送一百本

惟德堂敬送五十本

晉平安定氏敬送壹百本

碧梧草堂敬送五十本

槐蔭書室敬送壹百本

廣賢堂敬送壹百本

光生書室敬送五十本

